

黃鵠山人詩初鈔

黃鵠山人詩初鈔卷十

閩縣 林壽圖

古今體詩六十首

寶珠洞 戊午

翻翻山背風搖搖巖罅石點綴太古苔刻畫活水壁阻幽
緣窄磴上有落葉積豈知雲腳斷窅空闕靈迹崖積陽易
陰洞黝曉亦夕荒榛牽衣裾罨蘿墮巾幘淺邁若無隱深
窅迺有獲跣趺西域僧涅槃示禪寂地與山鬼隣坐受樵
叟得一角納天光絕頂盡秋魄儻有明月來登高弄橫笛

登香界寺閣

殘照木末山秋聲澗西寺檜柏香到門雙松左右峙蓬蓬
出雲氣黯黯抱石理無人語悲初晴鳥聲喜閣道百盤
登樓欄千尺倚每聞風雨夕複壁喧流水籐胎何年佛僧
意甚矜美證以火金剛幻相墮禪旨別館望翠華疊嶂積
金圮過服齊廢興曠懷渺終始何爲以首亭淚落羊叔子
循山後一片石至嘉禧寺有亭甫題詩處

層巒向背重臺花輭輿高低踏浪槎陽崖出巔若脫兔陰
峽投荒如竄鹿雲飛覆肩石插腳石乃濡日成霜華曠橫
地瘠纔一放側轉峯臂還千丈西跳東擲勢將逸溱洧之
河來要遮朋曹戒險迴巾車外巖中夷獲幽嘉城居癡癡

結塵垢得佳山水欣搔爬山南山北折幾里捫葛攀藤初
不記寒鴉爭葉墮古木流水抱城見列雉老僧迎客問從
來樵路長於瓜蔓迤京朝達官老於事白首未曾身到此
網蝥繭蠶徒自縛吾以休沐辦行李張侯工愁已沈泉劉
令何由到眼前亭甫遊西山詩
炳甫每贊賞之薜蘿甘菊尋僧飯勝似金
盤進凝肩

龍王堂懷鄭韻齋太守

東峯畢清景西崦借餘暉迴照深礪谷流滋半巖扉霞光
矚幽步秋色蕩遠碕不知天缺處忽用雲合圍飯鐘花外
轉宿鳥煙中睇出山故無家退院暮當歸高松失老伴舊有

雙松風
披一
訴我風以諲蕭蕭泉窟響漠漠蘿磴飛一餐山
飽甘事水齋饑去此紆願役印綬惟羈鞬

入盧師山至秘魔崖

依崖結廬俯崩川秋晴蛟龍上樹眠籐蘿腰裏枝首駢桑
乾水枯石千年今者架閣昔著船任不據地高插天參旗
斗杓掠屋椽嫗女琴鳴菩薩泉風來撫之妙自然嘉二三
子比我賢鼓怯變勇躋其巔前參盧師後覺禪坐忘歲月
隋唐遷長願不歸斷俗緣大青小青雲蜿蜒上有雨氣左
右旋僧言年荒日不饘遠視城郭生炊煙乞取鉢水蘇旱
田儻謔龍嬾吾將鞭溪壑蕭緘淒寒蟬待迴春姿換秋妍

安得脫身謝拘攣分山一角僧一羶

再過善應寺距與幼農倚松醉歌八年矣

我如半死白皮松偃蹇人間歲又終來往窮山彌慘澹婆
娑老樹失從容不材閱世逃樵斧何處飛霜入寺鐘憶到
貉邱封馬鬣十年寒嘯長蒼龍

戒壇活動松歌

眞松不住慈仁寺還走入山居此地法華道人空惘然

張詩

船丈昔兩畫此松懸慈仁寺皆爲人攫去丈自號法華道人

我來窮追邁神異深山大

澤窟龍蛇拏風攫雨森爪牙蕩心動魄急斂手恐復飛遁
天之涯靈物天生性自矯眞士神完中不擾憑君震撼盤

錯材雷霆疾過波濤脊道人出山鬢髮皤我能考槃爲汝
歌山中魑魅亦已多松乎松乎柰汝何

望羅睺嶺將遊潭柘寺不果往

自尋山月離城郭破青玦環成半珎避俗疾於走麀麋賴
有足脛未曾斲上方日見白雲往下界蒼狗知何物龍象
蹴踏人天相禽鳥閒關朋友樂坐談深宵瀉河漢快過炎
天接冰雹造物百事於我欠此福聊厚不爲薄昨來戒壇
謁律師選佛場開花雨落蠻爭蝸鬪不挂眼欲以誼靜分
榮辱鬼谷授兵已鑄錯孫臏下山乃纏縛能甘我肥能魚
肉可受以乘可鞭撲嗟余學道苦不卓進寸退尺枉自踣

震旦花開第一祖幽州潭柘數其朔公家有程追期會簿
領無緣卻案牘馳之驅之迴我車馬首塵埃贅雙目

何家庵寄仰周

吾家程正輔臥遊愛誦坡公句胸中崢嶸太行高長劍起
截征鴻路我欲從之結霞想晉祠碧流阻西往登山臨水
送將歸青楓黃葉孤心賞醉時別景忘八但記菰蒲較
昔長清夜徘徊山月閒月留照君如玉顏願君爲同林之
棲鶻莫作萬里之征鵬

皇姑寺

昔時巾幗今絡纓禪榻茶煙空復情扣馬有人書已已潛

龍何意應全寅北征再蹈宋欽轍南內還揮靈武兵東市
西山同此恨古來忠烈誤成名

慈壽寺九蓮菩薩像歌

永安塔仿隋宏業鈴音高護香雲閣閣中跨鳳天人姿明
萬厯年感夢作不貪御膳念麥飯初把副禪換纓絡一花
一葉世界藏六宮六時齋蘸恪僧家喜以幻爲眞世上豈
有佛可學慈悲我疑出婦性扶持憶初登帝幄內惟老身
外先生都人子將大器託九州富強天子孝十方布施聖
母樂不須莊嚴示色相已具信善證圓覺再傳求仙家法
變四海竭澤國脈剝悼靈痛隨菩薩去莊烈柰何外戚簿

長椿空供劉后容煙雲畫捲河山遶

碧雲寺感舊作

五過碧雲龕始扈香山 蹕清輝迎 六龍落英媚九日

繼聖方二載羣材效百職意氣各飛揚天門曉蕩軼

幾時邵平位西歸獨秉揚雄筆嗣蹤起伯喈薇堂休沐挈季默

農幼索酒重陽後盪胸萬里極山水不盡歡三戈且未息三

宿 含青齋一與孫琴西王鶴少值聽泉晴作雨視晷晷疑昃

軍符已急遞促觴有離色張生仰周再鼓勇邀往夜接滕黃

葉飛向人綠蘿不挽客屬當十月別頻觸平生憶牽牛固

求耦匏瓜分無匹何期婚友至重話河漢夕海牛壓風簾

霜蛇動水壁下階寬秋痕寒蟲向月織疊石戲成灘合絃
箏琶瑟虛帷刻漏閒清氣九州溢佳眠入滄浪不復夢禁
直近牀搖燭暉似集故人側死別已宿草生還或外秩苦
思蔡興孫未戢青冥翼上馬草露布下馬須殺賊風塵正
瀕洞蛟龍那得蟄我初無廊廟簪準強出入止水不生瀾
桔槔枉推激亡羊無所追幽壑時弋獲暫遊如得返垢膩
盡梳滌勝居百寮底剔髮不受幘俯仰十年交朝野萬事
積王郎胡不來煮雪當共食

從臥佛寺入山尋水盡頭

夾山淵藏寺受水如盎盆引水復破山可用爲窪尊僧清

甚於我代酒以茶溫出門寬海眼擎石握雲根脊絲蕩初
旭冬冰裂凍壘氣劑四時和意闊萬里潤蹇塞遇榛莽歛
退就膚寸委蛇爲清流涓滴足幽韻昔者退谷叟沈靜參
端倪在山慎勿出與佛同高樓風來發天籟我琴不須攜
下有桃李花無言助成蹊

由金山還七峯別墅

踏徧金遼翠輦山朱明陵樹亦躋攀興朝佳氣無時盡
絕壑秋聲共我還自怪簿書長嬾散獨於泉石得堅頑上
林侍從鄒枚在謝守煙霞許乞閒

琴西外轉安慶守過飲拱宸樓

朝回憶共繞湖行湖上樓牕對鏡明魚鳥尋常吾輩狎菱
荷十丈故人迎淮揚未可羈長孺宣室重須召賈生又聽
漏鐘過苑樹寒鴉暮色逼歸城

書唐六如自題陽山待雪圖後

老龍歲稿纏枯籐夜挂澗壁呼雲興水氣寒逼厓腹燈孤
星出火窺屋棱打門落葉作人謦索之不見疑物憑駝裘
擁鑪喚酒蒸觸屏僮僕成凍蠅對榻者撫杯案凭似話昨
踏蠡溪冰惜欲貫柳魚無醫明當共臂蒼角鷹羽毛鬬雪
飛峻嶒唐生豪宕真爾能讀得詩言手膽興趣幽溢三
尺繒我思陽山會往登茅齋在否深幾層

送琴西赴安慶任

早聞教胄及東瀛禮樂清芬又閒平

授諸王讀

禁禦承

恩麾出把計車話舊蓋先傾

甲辰教習琉球生余以公車荷是訪

高談捫蝨

知奚補妙手屠龍試此行往日巢痕休顧戀馬頭山有皖公迎

聞王子槐侍郎丈

茂蔭

請疾

蕭蕭白髮坐憂時退食羔裘每獨遲生計預防天下紬徵
祥先達 聖人知儲材藥籠期無盡種菜柴門偶自怡
甚欲折枝從長者匡牀蠅拂共談詩

效古

佳人在燕趙豔態莫能名金牕夾網戶翠館連紅蕢淒淒
理瑤瑟呢呢調秦箏恩情不在貌一聽荒淫生邯鄲狹斜
客贈以雙瓊英平生負豪俠歡笑從此成安識秦臺女驂
鸞上太清哀轉入天末雲水含餘清

嫋嫋秋風至悠悠行邁思迢迢青閨女皎皎冰雪姿顏色
旣云好嬾婉復令辭誰知抱淑貌謠詠來蛾眉白日縱能
察黃雲相蔽虧更闌視箕斗欲語有餘悲浮萍寄流水聚
散原有時子今異鄉縣何以消睽疑空山儻歲晏賤妾將
何爲

采葵傷葵根煮豆燃豆其骨月尙如此他人安可知昔爲

膠與漆末路忽睽離豈不敦夙好交道難久持中夜一長歎淚下如綆縻願交盧敖士皓首以爲期

鴈鴒未成聲芳草復萋矣抱影自沈吟百憂草間起今歡在遠方東西流溝水我有一書札寄之雙紅鯉願保鐵石心努力懷蓀芷相見參與商相憂橘爲枳

秋河無橋梁長夜波浩浩羣牛不服輓遠懷怒如擣我心亂木葉秋至不堪埽翹首語飛鴻青鬢日以老西風吹我夢直到咸陽道昨夜見夫君言歸豈不早世路如秋霜相逢盡枯槁但慮合歡花俱作斷腸草

擬田家雜詩

辭家歲復晏久曠鄰叟期呼兒具雞黍風雪連山時久晴
雨亦佳發眺情已移亂山鳥飛絕隔水牛歸遲笑酌瓦盆
酒閒吟招隱詩除非避秦者妙意誰能知

弱鱗思深淵倦羽懷故林彼物各有適吾生獨何心旣抱
幽隱志應戀西山岑前溪有流水欲往意已深

野徑無人跡樹巔聞午雞涼風颯然至林木紛以悽日月
有代謝榮枯與之齊卽境忽起悟造化皆端倪況復梁伯
鸞偕隱有賢妻

謝安久不作絕海皆橫戈豈敢戀幽隱其如兵火何村貧
雖寡趣風俗無頽波出門何所役種豆南山坡酌酒絕時

務松聲和我歌籬閒聞犬吠窮巷幽人過嘯鳥不知處好
風惠然和寄謝同門友胡顏見女蘿

人日天甯寺僧慧寬送花至

己未

人日草堂花事新重簾複幙坐圍春知君欲試莊周夢蝴蝶
何妨化我身

勿邨兄贈伽南香珠手串

玉堂袖帶御鑪煙謫守珠崖又幾年道味深於藏蠃蜜德
芬久未散羊羶蕙蘭昔許薰佳士佩韞今從結散仙投老
望談能握手月明無隱木樨禪

壽陽師相召飲勤獲齋出示與翁相國和東坡清虛

堂韻詩依韻奉呈

地猶城市無塵沙斜街晝靜槐排衙
君恩分俸許乞疾未歸種菜留鋤花
達官中貴罕識面巾車所詣惟僧家
得錢呼僮買綠蟻賞詩示我翻墨鴉
春風披拂始今日文條發葉還舒葩
快逢文字與麇飫勝於膩垢加洗爬
但愁關津或樵酒惟盼雪水同煎茶
鼎聲過戶作蚓語鞭影到門垂馬撾
適翁相國遞詩使至傳觀手筆出燕許
坐令元白同稱嗟有田不歸憶坡老
心依廊廟情煙霞

壽陽師相示人日夢中琴操用前韻

曲希雁落鋪平沙鞭驚笳鳳仙退衙
繪聲繪影復繪夢詩

如紫煙含三花想忘琴意與我意游心太古歸其家寥天
夜月叫獨鶴空山雨雪吹輕鴉覺知人日在京國草堂虛
發迎春葩糠粃塵事已櫛落疥癬文癖還癢爬五更曉露
起濡墨一榻清風傳煮茶邇來師陶意何取師近繪陶淵
明像懸齋壁
不絃豈著十指搗攝收萬籟入元靜耳根未淨空我嗟移
情千載許一遇壽公海山觴九霞

登慈仁寺後閣望西山再用前韻呈壽陽師相

西山作勢龍走沙探頭列雉行衙衙城居局促困塵土岸
粵夢想千蓮花眺臨高閣始一笑迎揖疊嶂迴千家煙消
樵磴細旋蟻雲藏貝樹棲定鴟樓臺彈指現詩境宜近老

聞吟霜葩我才木雁託羽翼公憫禪蝨時搜爬文章期勉
及秋實禪意領略逾春茶廿年偃蹇慕泉石曉寂驚聞官
鼓撾出山已憐小草拙過寺獨撫長松嗟想公閉門正索
句清景過眼收雲霞

題勿邨兄詩後

吾宗枝葉衍長林根柢詞華共鬱深多難重逢商舊學故
鄉輕別負初心千秋文字留虛器幾輩風塵息載駭雲澹
天閒容傲嘯寒宵刻燭日相尋

勿邨母謝太夫人遺集敬題

六宗內範式笄珈百首遺珠璨齒牙早伴諸兄吟雪絮更

偕高士隱梅花隴岡表德由歐母山谷傳詩出謝家

幼從

舅氏謝思庭先生學我欲忘憂佩護草劇憐衰鬢白驚沙

取雪水煎雨前茶

病肺思欲江湖吞舌挂屋壁高難捫豈乏團月割半壁坐
愁絕壑枯靈源顛天得救風雅渴落日忽溼金銀盆羊腸
繞車著迹耳何有萬籟清六根

送劉岵農觀察

昔君卅角我初冠文史諸兄結古驪燈火鼇峯尋夜讀酒
肴烏石挈春盤廿年前事催雙鬢四海征塵寄一官乍喜
重逢復輕別自憐霜葉落長安

正月二十九日設窮九粥閩俗也略如京師臘八粥
故事詩以紀之

旅食十載強鄉風萬里逐兒女長京華歲時問閩俗昨值
窮九節請倣臘八粥夙聞煬竈力能飽侏儒腹所操鼎鼐
權其利水火速縮菌象巽懦剝果實陰伏不解調鹽梅輒
私薦種種焦爛儼上居濡煦妄外暴瓦釜紛附炎泥沙成
獨漉臣家曼倩米自寶荒年穀知白時守黑辨麥希善菽
留佐邊俎馨備充藜藿蓄糠粃慎淘汰盃盎蘊苾馥出以
和棗榛品欲敵襲襲器虛不取盈泉香相與掬縱慙青飢
列易閔黃粱熟茹實豆加糖飲屑羹慘麴浮沈混升斗勞

碌添薪軸眾將耳挈鎗余懼足覆餗重鼠焰猶騰嘗鼃闕
頻願方分太倉竊那識禁煙哭眼看爆竹滅手撒貫珠簇
臭味別差池嗜好抱真獨精白家昔傳和甘神今福升薌
獻天祖取餽饋親族念違玉山禾但畋塞垣荷飲豚安雞
蟲世事爭燕蝠薄宦骨月羈他鄉歲月蹙屠蘇催老大鞠
窮對噉嗽服氣嬾罵尸鑠金慮傷目惟披南粵記藉匹東
京錄

夢與笏山兄飲

弟兄隔屏讀書年酤醕常鳩賣字錢老欲著書愁病渴貧
惟齋佛學逃禪分明意氣猶豪宕寂寞陵原似醉眠已負

聯牀舊時約黃鑪同念更潛然

二月八日喜雪

不雪愁過冬既春雪亦好膏澤自天降沾漑及蓬葆初飛
疏閒密漸漬溼就燥穉竹腰一折老桄首先縞虛空發光
明煩襟勝初澡豈徒兒童喜足解農父燥田望蘇圻甦民
命免乾薶麥苗可補種土鍾盡起槁蓬蓬氣轉春浩浩雲
浮芥陽和鼓其橐快甚矢脫藁先難必後獲晚達乃深造
譬如人久病更生多壽考以茲悟帝心仁愛非關禱吾廬
沒幾尺積屑不忍埽

禮闈分校次聚星堂壁間韻呈主試並諸同人

簾幙春光鎖闥深

天章奎壁共森臨

乾隆刻壁間

御筆

鳳巢各占三珠樹

同考中獲大魁者直書房者籍諫院者直樞垣者皆各三人

蟾窟初

開一桂林

三月十五夜主試出會元卷相示

海岱淵源最宏遠

主試四人賈相國居

首余乙巳座主

鈴山聲響易銷沈

至公堂額傳爲嚴分宜書

羣公盡勵冰淵操

隔歲休忘戒懼心

戊午闈事旨戒諭試官

特

仇十洲煙波漁隱圖

紅樹蘆花何處村
老漁曝背坐霜根
隔煙招手喚收網
得魚換酒呼兒孫
酒熟魚肥爭下箸
煙波慣見渾無語
何來七尺白鳬翁
江干伴爾相來去
魚蝦澤國多豐年
破除俗事惟餐眠
一枝柔艣入空去
溪山盡屬漁家緣
短幅風波

幾千里繪水繪風妙如此縱埋名姓著羊裘恐有詔書訪
煙水

雪中餉柯亭酒答詩依和四疊前韻

廿年走碾車輪沙夜批邊瑣朝參衙薑芽斂手竹皴面枯
樹那得生新花朱生根器足感發相忘逆旅依爲家屢愁
風聲噪乾鵲初見雪片斜寒鷗乾坤清氣入肺腑雕鏤奇
思抽芬葩詩成屋梁任蝸篆夢冷江湖驚鱗爬急添爐炭
起煨芋更檢酒具供佐茶君如渴驥正需飲我爲老馬羞
箠撾天漿北斗許自酌暫哆箕口休傷嗟眼前雲霧卽披
豁明日雙闕升朝霞

東坡密州詩云龍鍾三十九勞生已強半余生距今

三十九矣輒用以自警

勞軀日月迅景逾半早聞樂天語還起老坡歎孤賤
弄詞章習爲童子玩因循過中年少作隨手散坐無饘粥
資誤逐冠蓋伴春花易以秋夜月不能旦猶爭雞鷩食恐
登羊豕案臺榭燕未歸簫鼓驚旣亂發癢欲抑搔去垢自
濯盟病臙乃百侵藥石思鄭緩老衰始向道如射力弗貫
尙負九鼎重意鼓萬夫懦眾嘲台躍金我任冰作炭松菊
荒故園風雨閉孤館歎飯齒久鈍沃酒心偶暖守此長明
燈脫屣師忍繁

東坡再和前韻詩云應念苦思歸登樓賦王粲定甫
將有所行因疊以贈

滔穀欲千鍾糠皮雜其半閤錢雖滿億空囊嘗屢歎懷才
寶珠玉出與世供玩待價無賈胡日入市又散空從伏波
將歸結鄒陽伴倦吟鼠翻缸警直雞啼旦嬾扶尙書牀對
食大官案屬當蛟龍肅往整鸞鶴亂既遇欣禮羅不薦占
觀盥先鞭未解著急溜獨趨緩感子胸次虹向我杯中貫
朝事有論列改官激儒懦孤懷乃傷離冷甚爐熄炭側聞
灞岸東再築昭王館饑鷹久不飽寒雁去就暖勿爲日登
樓還將賦授粲

前韻贈朱生柯亭

東國海岱州雄割天下半黃腫萊子國靈傑古尤歎子如
文登石驢賞非俗玩高價並璧琮早合薦角散以文爲儔
介於道獲朋伴名山有風雨敝廬共昏旦閱年換新厯翻
帙理舊案百家討其源流派了不亂神明內澡雪垢滓外
湔盥致遠若騏驥展足未嫌緩名場集飛隼要用枯矢貫
出頭子能爭署尾余已懦甚愧爐台門相煩來挾炭
詔書降蓬萊徵聘入瀛館斯文日再中寒士喜得暖老眼
亦光華桃李白子粲

答曾鏡如同年

勞生磨旋石急晷箭出筈一別各轉蓬木燧五變火桑梓
昨漂風鳴鳩恐巢墮挈家聞捧檄妻孥幸安安役名似春
蠶作繭昧自裹貽書述宦況鈍劣迺肖我達官老於事迂
士避與左悔習簿領書累辦米鹽顚質人三尺廡月責萬
錢夥瘠身思肥民槁餓諒爾可眾女傾娥眉同列遇笑歌
巧婦困空炊袖手置旁坐語瑣感情交謀拙代愁鎖長安
賤青銅高價及黃黷無力市壺醕況望致盤筍憶昔共醉
驩事過樂亦頗貴遊不如賤官貧若近情寄聲維勞劬重
負終克荷

華秋岳歐陽子秋夜讀書圖

秋去無迹來有端追以毫楮生虛寒居士文心山人筆天
地商聲從指出蕭然四壁一幽鐙領略夜味慣吾曾相依
破屋見落木更就冷蛩與伴讀

用子瞻粲字韻贈孫夢九

長齡

別駕

曩讀薩侯書得子已過半覲面踰聞名河伯望洋歎尊彝
列庭戶不雜瓴甌玩楨幹挺豫章樗櫟愧閒散猥蒙荆雞
材引結越臯伴眾星夜向晦得日天始旦積思鬱河關過
從慰杯案滌薜味與清飲醴德不亂埋頭塵土中若用水
沃盟義輪逼人老弱轡詎我緩子方騁所能神勇革必貫
量場屬有事儒官當起懦俗吏役簿書迂語等冰炭當時

知我者薩侯惜捐館寸心寒谷灰得藉陽律暖死生如夢
寐今夕歌見粲

雪嵐話西山舊遊用前韻

少賤登五嶽足侈九州半西山在畿輔迺興挂笏歎壯心
驚遠觀耳目忽近玩得官嘗橄欖回味願投散閱歷問導
師以我爲介伴枕席夢風泉夜興不及旦前遊若布碁覆
局我能案地古雲物滋春深花鳥亂龍堂一勺水足供十
年盥最君及年盛鞭策勿羶紕片玉變日新筋力還舊貫
看山如求道尺勇戒寸懦古來禽向徒軒冕視塗炭縹緲
鸞鶴姿逍遙蓬萊館簡書空束縛枯骨豈復暖相期老巖

屬青石煮白粲

題武丹山水幅

釣船纔入手風簾遂瀟瀟山木前頭雨墟煙第幾橋近人
非避地隨意往乘潮似抵嚴灘側羊裘不可招

夢九曾經滄海圖紀侍尊甫總戎公赴江南水營作
鴻濛氣濕天與水鵠卵鷺毛舟相似崩濤洶湧鼃鼃頑載
以肝膽安如山視礮轉碇更紀里席趨海門箭脫矢風波
惡處望良鯨誓腊其肉作乾肺金焦兩山對巘屹京口置
鎮措若磐自我失地蛟起陸茫茫恨瀉江天寬樓船破賊
要選將竹頭木屑嗟才難揚州大帥舊上公受詔飛羽檄

若翁捲旗疾裏八閩甲破浪往乘萬里風君時投筆學擊
楫欲以父子專英雄封侯李蔡下中耳汝縱神勇慳奇功
歸來太息江防重幾年已弛天塹控夢中鉦鼓或耳聞紙
上朦朧但目送戰艦南征議未已鐵索中流成底用伏波
聚米視此圖他時留備朝廷貢

送壽卿

三世將門虎豹姿兒孫斑斑頭角奇穿楊舞蔗俱可意從
役簿領徒爾癡長官大都麒麟楨傲岸指使氣與頤我雖
未識外吏事乘人之車可鞭笞十年衣浣京塵緇盧橘嘗
味甘酸知平生惟切攻友樂玉石骨角相磋磨與君南箕

隔北斗不分朱絃合。素絲自承豪概起。衰憊痛飲白虹貫。
銀卮兼旬一晤亦不數。夜談必見參橫旗。看君爲人用意
處。天馬未受絡繹羈。通侯頽頽況有種。安用手板低頭爲
嶺南。雜居民與夷。迺翁鈴轅昔臥治。賣刀買牛有遺叟。見
君定說舊鬢眉。桔槔俯仰不自持。或觀農器得所師。我似
漢陰抱甕者。機心已泯任吾之。

贈徐雲汀

春風綠髮樽俎間。少年如花人仰攀。只今索米困餬口。顛
顛鬢毛霜點斑。相逢眾怪不媚嫵。已似秋葉落四五。舊書
探手試緝閱。詫若平生未目覩。朝陰過午。曠夕陽老樹窪。

中成苦窳那能意氣追昔時如犢初生不畏虎見君詩酒
猶雄豪古井生瀾時一遭定知眠蠶獲新繭大異嚼蠚持
空螯青衫落拓李鐵人與翁惠卿君襲攻錯從石工誰憐奔走
百僚末早晚悟道無奇功我別故交十年矣見竹生孫松
生子算年七十已過半豈有新聲鬪侯喜逢人問學真覩
顏昔有殘蘗今就刪偶然啾唧作蟲語兒女發笑腰屢彎
頗君寄音問翁李可許著書仰屋山

謝周永雲編脩送酒

春來怪無佳食寐渴坐茗椀日爲祟葡萄不許換涼州空
望告身謀一醉太史家無千木奴相濡相啍如遊魚投贈

清江醞玉餅夢聞寒泉鳴竹渠看子用心蕭灑處風標古
屬高陽徒百花正作小兒浴昨日花朝萬斛那博佳人娛城南
夜深五尺雪車若曳蛇僕跛鼃閉門蟬螻貫手卮乃是銀
燭光弗滅此時爆竹響溼薪想子餐蝨將上舌艱難生計
尙蠶鹽沈酣經腴若麴蘖我不能斗酒酬百篇亦不願卻
孟學逃禪但求賢聖皆可口便抵蝨簡餐神仙

錢南園枯木瘦馬圖

低頭鬚鄰老且病耳猶卓錫目夾鏡旁有喪驂定元駒恐
失其一依爲命海雲垂天山骨黯塞霜殺草風力勁瞻相
突兀不凡材想見貌者鐵心性百賢未飽絲絡轡半瓢欲

青真山ノ言不金卷一
飲樹垂癭我思參禪賞神駿世譬評書取瘦硬今無其選
昔有之艱難天步何由騁

聞清江浦警信

幾春烽火警淮徐袁浦人煙幸晏如喚渡酒樓招雨旆隔
湖燈市集冰魚初聞捷奏鄰封到何意軍聲戍守虛南北
故交多阻梗不關風鶴獨愁予

久雪

海棠瑟縮放花遲春筍沈綿未出籬犬誤月明爭吠夜雀
驚雲冷屢翻枝最宜寒味嚙冰菜未得清言會玉卮任沒
蒿蓬深十丈老夫衰髮耐吹絲

懷藏

篋藏手識二三策屋打頭低八九椽惟慕著書宗苦縣猶
期奏捷到甘泉客來昵就陽城酒母老貪支少府錢但得
鴟夷心事了五湖放棹水浮天

昀叔謂余詩效山谷體賦答

鱗胥苦薄羊腔厚無鹽轉妍王嬙醜斯文嗜好亦有然強
別眾星自名斗不知大澤混鵬鰕詡摹古鼎辨蝌蚪徒蒙
虎皮瞰龍鮓類陳麪牛獻芻狗誠如子說合箏篴未驗黃
鍾協律否後人未到古人往我於其間擁倣帚百家載道
騁車軫半世縛詩受械杻稍參西江變流派敢託少陵窺

戶牖惟古眞放蓄精微而今踣躓困趨走纁繭出盆不成
衣蒸飯入甌僅茹糗偶形澀縮蟲食藜無力潑刺魚貫柳
何由菖歎得子嗜意乃糞鼠將余剖漢冠唐裳逮今茲長
劍大戟固多有馳驟駿馬傲跛羊涓滴濟清納河垢余初
亦坐鹿迷墮新語謬恩雀破穀森嚴虎豹護元關攫拏蛟
螭斷生鈕苦無甘味回杖蔗豈有利兵斫絲藕偶獲懸窠
綴靈珠祇似寒义挂星罾哺兒脫襁愼晝顛防盜祛篋申
夜守雖然善用泚泚洗百金莫賣不龜手文章老矣交有
道德功何者並不朽子誠湯瓶識車聲蒲團長奉窮黃九

送勿邨典臨安郡

長安昆季往我厚朝野清明勗官守簡書困迫纔幾載死
者殉危生老醜百年風燭宜少休千里塵韁各奔走欲招
耕笠同水雲未能家具載雞狗溯從黃巾初起難聞解銅
符已歸久思君不見阿弟留范亭觀察
時官農部逢報花開輒索酒
是時滇池波不揚正盼兼城綰印綬何期擊筑有生離夜
雨繁星晝見斗四方征輦不忍聽七尺庸材甘獨朽新知
慰藉強謹顏舊雨飄零斷攜手逢君來自尉陀臺有似新
春粲故柳最憐奪卻田園樂老覓釘腰與繫肘慣嘗霜落
知苦樵且試冰芽餐早韭促裝領郡又南發黃沙眯人分
馬首蒼山洱海雖阻險我能子民民我母明朝贈策一萬

程記我勞生三十九阿弟忠魂若可招歸搔短髮待蓬牖

黃鵠山人詩初鈔卷十二

閩縣 林壽圖 歐齋

古今體詩四十六首

寄家書

甲子

辭親搵萬淚忽又寄書落委身簿領忙回首庭闈樂激昂
抗志初幼慕范孟博長知畫荻苦志勵歐陽學菽水歡有
餘羸癯固不惡顧乏寸絲長養蠶詎滿箔文運值休明賢
俊充臺閣詼嘲百索底纔比俳優朔朝綢整機軸文園獵
制作金石堯舜典管絃雅頌樂所願登姚姬於時尙衛霍
已懷下澤車看人佩螭若山龍志補袞海燕謝去幕沸湯

忽煎熬折鼎何齷齪徘徊爰余冠上戴神羊角乾坤有旋
轉

廟社得倚託良惟百度貞採及一士謬國初北

都燕邁古東營洛藩維設大尹藉以控疆索感際

孝

治隆祿養未辭薄晚衙了官事退奉北堂酌白髮語疏燈

秋城靜寒柝不希遠翔翔反哺酬烏鵲霜降松隕花風來

竹埽穽相隔斗望箕奚由貫纓絡西夏比強梁喋血膏城

郭

詔書分良莠意在蘇疲弱利害逞吾舌庶冀摧暴

虐不然探虎穴萬馬乘秋躍六師毋觀望颺發疾冰雹胞

膽劍戟張鉅鋒淬蓮鐔繫其名王歸震疊威沙漠兩者遽

未能止病視用藥鋤吏去貪殘訓士嚴剽掠撫恤其夷傷

死者起溝壑守望助於鄉疾痛求之莫坐看吞鉤鱗困作
車轍涸竝此成迂談藉曰縻好爵默知戰守和三策必一
握以民爲余梯俯仰徒厚忤且循郊垌行廢村斷鳥雀蕭
艾高人肩棘榛刺馬腳兩漢三輔區循良今寂寞 君
門九重阻親間千里邈艱危朔平生得非折腰錯昨烹雙
鯉魚訓簡母手削讀書勉行意執守貴堅確鳴虓膝下別
已改鏡中兒不言傷鬱沈欲言慮謠詠吾道重千金與世
投六箒恨無二頃田種菜餐藜藿家國負實多緘憂寄遙
索

八仙菴見牡丹憶淀園花時遊賞

姚黃天上花爛熳公卿賞珊瑚護欄楯瑪瑙列甕盎五年
銜鹿去一夢化蝶往芳晨負至今陳迹俄成曩邊關孟夏
寒抱嬰猶絡襁與我共飄零風塵送鞅掌郊圻踐戎馬宮
觀委榛莽當年灌溉意定以招游杖寂寞何久甘虛蒙雨
露養裏紅禽未啁浮綠蟻初釀新粧不輕鬪麗質無過獎
攀折況健兒那得關痛痒花有近茵席亦有遭溷壤誰與
貢上林錦繡陪春仗

盤屋克復之前日禮堂將軍

多隆阿

歿於陣

月城坐克流星矢獨當將旗春黯澹列帳夜踉蹌百戰
靈陰護三軍氣蹶張民奴期盡殲遺恨未擒王

關中芍藥不及京師漫插數枝以寄意

燕都芍藥身價豐關中僅免埋蒿蓬詎由疏遠異貴賤雨
露自讓天邊濃況知愛護藝手工日招萬蝶喧千蜂老夫
百事弗及眾曾踏圓嶠方壺峯天人之姿世不同盤龍高
髻狀仙宮列卿御史尙書公休沐約探城南東青絲玉轡
雪色驄百步錦障萬石鍾天慳艷福忌盛滿婪尾未得長
春風關中興慶昔四叢翠匊珠被香重重上有甚好下必
從士女相謔昌而丰千金競鬪維揚種三月想見曲江逢
楊妃不返秦虢老綵雲夢杳巫山蹤佳人再笑恐傾國自
此冷落無花傭雖然軒檻要掩映接頭去本麤可供

韓魏公芍

藥詩接頭著處騁新
東君有意點簾櫳丁香助白海棠紅
如輕去本根無願藉
數枝婀娜獨消瘦顚顚坐對杜陵翁欲爲前濯去塵土惜
我猶墮濁泥中回意將離贈去國落月黯黯金尊空

遣懷用杜少陵上水韻

勞生多難餘踵迹古人後家國與百墓堆雪上蓬首學宦
踰廿年浮家寄十口略同天寶亂寂寞杜陵友苦撥簿領
閒自藉詩書誘缺鋒知利鈍古鏡辨妍醜本無折枝力安
欲挾山走隴雲暗西秦緯象干北斗
詔書輕灞棘慰
勞屢細柳前軍落大星蟲沙處速朽彈丸負隅地杼軸勞
師久憤思聊城箭翼拾一筭取書生紙上談左右笑曰否

漏魚忽吞舟獵兔致焚藪骨枯幸功成賀弔雜置酒偏裨
失舊帥倉卒兵符受十萬控弦兒早擅攸飛手弋覓能代
鴈捷獲事良有攀緣高樹巔遠見孤熊吼窮寇勿深追迴
軍甘坐守流離未易集顏忝長官厚風起雲飛揚席與蕩
塵垢

漢南捷音至前韻寄呈劉霞仙中丞

鏖兵三輔區養士百戰後冀覩漢官儀速救秦黔首公希
武鄉蹤列營斜谷口一雄將萬雌昂驤龍爲友平生疏一
面何自獲獎誘黯黯詎能賢駟老益增醜棄中出補外跛
隨因行走捧日孤望雲移星近瞻斗朔風犯淖冰春色迴

霸柳拙工難爲良獨馭易傷朽神州未陸沈霸國磨滅久
威弧張其絃櫓槍黯可取昨浮魚復來壘石無恙否浩歌
詠梁甫英風震蒲藪分醪撫饑軍醉德不在酒報書克堅
城勝算 廟謨受此邦病凋瘵留待活國手尾蠶吐經
綸腹枵我何有頑石刻鯨魚空發蒲牢吼且願循塞垣衝
要慎屯守外聲樹堅重內政布敦厚非公與洗滌蒼生困
蒙垢

後遣懷用前韻

秋來居物先老至退人後繁憂滿青鏡梳雪不沾首婚嫁
漸逼身粥餽計餽口棄母外求官寄食累親友大府采虛

聲禮貌畧接誘十目九睢盱汗背發面醜追呼止風狂余
豈善保走墮地便應窮不合爭升斗春風功轉物權輿布
花柳祇愁淫雨敗熠熠生腐朽衣冠用秦法蕩棄六籍久
倉卒綿蕞儀魯儒蓋無取補拾灰燼餘問許行意否沈沈
漢宮闕瓦礫委榛藪古抱與誰據寂寥自遣酒昨日燕鴻
至慈訓慄跪受嚙足識痛心斲鼻戒傷手蹉跎負君親少
壯非昔有壁間報恩劍拂鬱玉龍吼欲保室家完那得田
園守甘賤安夢魂挽俗歸忠厚私願未易償忍恥混俗垢

春警

溫風善撩人高下花交葉弄晴竝弄雨鳩鵲聲爭疊鋪茵

紅綃慘攬鏡白堪鐸憂端劇春絲歷亂擾蜂蝶呼酒欲濯
愁開甕初展曆何物敗人意吏至朱墨挾旁睨略數行軍
府催下帖續紛綺陌時男未女行饁牛喘病未蘇馬突蹤
遽躡滴瀝不暇霑出園罷目涉

寄張聽菴刑部浙東

我羈渭北子江東四十頭顱各老翁越國舊遊成記憶秦
音新改長兒童會稽金簡搜神禹句漏丹砂待葛洪祇恐
妖星照鵠首仍憑一劍倚崆峒

趙子昂五陵游騎圖

鄂南韋曲去天尺日照秦川如掌直長安少年學畋遊爭

轡春風開霹靂不記金人涕淚年但憶開元般樂日雲霧
晦明正降精煙塵雜運旋傾國前驅直突後倒勒旁騎斜
睨竝怒立看君身手果豪健胡不編隸羽林籍烏嗥夜飛
延秋門佳氣滅盡餘王孫曉鐘催策朝天蹇飽秣新芻懷
舊恩

杭州失陷久始詳朱伯韓觀察死狀追哭以詩

邵子死武林

員位西外

寒暑倏屢易憂時憤淚添傷逝老懷劇

傳聞愴異辭史筆久遺直第信金石堅決未衰道力臨危

諾邵子刃血甘濺碧痛心效雉經失恨償馬革往者國門

別挾有橫海策不遂島夷賓往作越吟客時惟中丞公

王雪

軒幕府訪規畫郊壘已倉皇眼青頭愈白偷活向草間詎
乏守土責君臣義安逃念挂先朝籍抗疏昔傳抄風

采憶爭惜鄉兵歸小試黠鼠未盡磔蹉跎貫札手末弩晚
輕擲終騰萬古光肝膽淬劍脊

過劉冰如觀察

齊銜

署齋食蜺

羈宦輕去鄉歸路山重沓窮如托鉢僧重趫赴挂衲頻年
不家食隨緣占噬嗑劉侯歷秦楚聲譽久訇磕才大極心
細纖芥滄瀛納嘗刲同州羊菜圃告被踏辭朝疏繼見關
輔慰簪盍令公舊園林燕寢通鈴閣會逢廢耕牧簿書校
雜遲堅城墮鼓鞀迺士擊鞅韜未能脫轡銜安得親瓶榼

漢沔飛捷音乍如朽可拉當乘條風暢與聽春雨颯浮君
雙鷗舫水聲拍盪盪河鯉未到城舉七扁螺嚙佐以鮭甘
七珍於貝一卉燥濕異土宜雲岫高吐飲何來縊女化注
雅毛介雜泛舟想吳江罩網噲真臘遠放舍利光夜懸慈
恩塔中筵憶酥酪徘徊望闔闔江湖阻南景困於謀升舍
眉宇鬱不伸意氣就摧塌西來說將帥舌敝不見答況能
免素餐上表劾茸闔中外譬一手俗帖再撫榻艾封懷兩
心不在其牀榻得子聊我豪甘苦淄澠合萬戶斷爨煙艱
危遭苦蓋念之不遑咽饑腸忍迴匝平生幾納屐未老思
駭駭王事苦敦薄人情競噂噉何時溟海上恣食蝦蟇蛤

飽飯進檳榔解綬猶棄報

龍湫禱雨

斂雲雨病腳出日山厚顏坼土龜甲赤鑠澤牛颺殷祭雲
走里社狂跣泣惇鰥屯膏恥官長無術破天慳南望蜿蜒
窟久擁鱗介班沐烏與浴兔闔闢造化關實資拯水旱匪
獨儲神姦貫絀俯其湫偵伺窮羣頑葉墜鳥驚救草偃獸
駭跼古維靈蛾囿帝用蘇痼瘵森沈未有極朗見衣髮飄
常時大小青出入昏曉閒比歲廢刈穫牙蘗兆髦蠻大暑
未去酷恆暘遂召患悚惕心骨顫蹴躡支體痛欲霑隨車
潤暇恤捫壁艱一掬濶滄海萬井通闐闐龍其助耕煙噴

沫觀往還

憂旱

芄芄黍苗雨英英營茅雲仰盆其戴天雷聲但可聞滌滌
望山川勢欲以火耘連烽日千里雀鼠嗟已薰鼓鉞喧於
城有事巫咸文紕政諒實繁積薪請我焚

苦雨

一雨瀰八川魚龍混出瞰介族挾戈矛遺穗不供噉誰實
府爾曹助騰水聲悍昔者屯其膏邀澤今乃濫幽僻牆角
花久漬根亦爛

詔書儻及我災數須寸勘

攫麥歎

十畝種地九畝荒一畝割者青未黃縣官苦陳戶逃籍將
吏怒說農登場風追馬蹶不相及溼薪未燃竈火熄健兒
攫去麥三升孫扶翁姥抱甕泣

催衣歎

桑稀蠶死年荒久姑嘸白髮兒黃口心酸搗練不成聲火
速官符到門首飛霜落雪滿關山上馬偵賊駝征鞍君嘖
遠戍寄衣緩不見建章萬戶寒

過薦福寺

大寺一頃半浮圖十五級佛雲花高空兵火宜銷劫百僧
斲一存龍象雨中泣規模拓天授金碧說增葺耕農廢耒

耕善女輸簪飾咫尺居民家四壁有未立捨本務其末利
害不相入昌黎功媿禹遺表當補緝馬纓無主開鼠矢何
人拾罷爨香積厨寒氣肌膚襲熠燿疑鬼火亦感腐草溼
躑躅山門外寇騎復來集

七夕述懷

漉酒貴以漿佩璫取其長戴君北斗高提挈疑有筐維秦
鵲首邦火流天漢光織女西效駕牽牛東服廂萬象儼森
列星采視煌煌掩兔狀有畢駕鵲聽爲梁目眎河渭間塵
沙夜簸揚杼柚盡秋蟲軋軋迴饑腸穫薪不於家葛屨瘁
道旁大夫善風議息偃宜在床

修葺董子墓

禮樂荒三代衣冠岸一邱帝王頻下乘牧監敢來游慨慕
公羊學屬當戎馬秋官司勤守護兵氣道能柔

亂後甫得雞畜之

鷺鵬前軍夜屢驚山城喔喔斷無聲戒庖留助披衣舞更
與千家報五更

崑爾雄冠氣一振老夫雌伏起吟呻祇愁攪醒還朝夢又
事衙參逐吏人

署齋望南山

低頭事上官苦說世路隘君心自煩擾何物意能敗衙齋

昨過雨雲散無纖埽花木皆懷新天清我眼界南山況當
戶几案有餘翠取書隨意觀厥旨撮其大客至關俗情待
之以一醉孰謂公門中而無義皇代

堂皇考朱墨積垢不梳髮青山如高人安得倦迎謁未能
摩其巔容采亦懌悅地肺森槎枒暑熱沃冰雪遠影動高
城勝槩吾解說蠅蚊埽無跡秋意滿林樾可惜役車馬有
足幾受刖揖之簾幙閒咫尺心超忽

晚鼓休吏帙蕭然岸角巾澗壑取幽適巍然見嶙峋此中
佳處多難得眞隱淪挂冠亦易事民物柰我親欲挽季運
積與扇 皇風仁粥粥久無能門第論賤貧伊呂起耕

釣遺跡留渭莘感歎經濟士古屬尋常人

登太白山至寒風關而返

隴山遠襟帶秦嶺積巾幘崢嶸萬仞高距天削三百孕包
太乙精體鍊長庚魄人閒燦霜雪上碾日輪赫犖确寒風
關迤南陡絕壁夏葛換冬裘股栗斂人跡如何古洞天亦
似世路窄更西落神窪墮魂慘葉積聞至孤魂窪風起必
伏若起則吹墮如葉
余覓導者無敢往也魏我十二樓仙官護劍戟頗類帝王居嚴威阻
疏迤空挂瀑布雲未敢希膏澤旣謫塵土中安能頭不白

題桐桂軒西廡壁張文敏公草書韓昌黎石鼓歌墨

刻後

韓歌石鼓張手持勒石旋紀平淮碑遠孫載筆際 聖

代 十全天子壽古稀石鼓之祥應河洛今者羽檄

羌戎馳 詔書催戰困無策十郡良家甲生蟣繞廊百

匝憂至暮喜見解壁盤蛟螭不論韓歌論張草筆陣亦整

弋矛師欲摹萬紙示將帥誰察我意公非私憶官京洛謁

國學坐卧其側思礪治北平祭酒惠羶蠟

祭酒衍君秀曾
榻石鼓文以贈

謂此十碣金元移守藩屬有講武事挈之西獵汧與岐鳳

翔八觀久不見但見慘澹虫尤旗神物幸陪博士議奇字

難免諸儒疑周秦西魏浪費辭休烈要是中興時我

皇繼 聖亦如此埽蕩狂寇草木靡北山勞人死不

恨高詠吉日車攻詩

袁茂苑溪山深處圖

石氣過雨青連山昨夜龍吟松檜閒溪翁坐起弄寒碧嬾
扶籐杖開柴關隔樓人語茶煙綠琴牀一絲白雲宿不怯
破屋穿秋風愛旁懸崖看飛瀑西南樹缺沙隄開漁父拏
舟縱潮來幽棲不慣雞黍具老死誰識滄桑哀昔聞羊裘
卧大澤故人作帝强相逼急收靈境閉重巒何處溪橋容
放入

西征

關隴連雲塞草橫纔供北伐又西征少陵自謂知房琯諸

葛何心罪李平已報材官守涇渭肯容羗騎走咸京屯田
使者乘秋出早晚投戈未廢耕

感春

乙丑

春風顛晌午花柳困晝長游絲裊天半時復縈陂塘觀物
悟茵溷蜂蝶任爭忙桃李不禁劇雨淚泣殘粧惟梨稍矜
誇弄態媚海棠獵豔能幾日爛熳供文章樹頭鳥提壺苦
勸愛景光委地掇榆錢不可買酒嘗繞市至斜晷思以寬
憂腸逞新鬪紅白去故換綠黃如少壯倏老柯葉無久芳
麤了公家事沈沈獨傾觴

獨酌望南山

地肺山橫半雨煙高寒城闕接遙天酒拚今日醉明日胸
有千年壽幾年俯仰黃墟餘涕淚較量青史孰才賢終南
佳處非吾戀自入壺中放倒眠

得少鶴書乞病南歸取道浙東將遊嶺南卻寄

忤時遂偃蹇歸興動溟渤諫草朝傳秦報書夕去越萬里
今具裝十年昔結襪舊帥罷南征良家奮北伐入扶尙書
牀出佐將軍鉞恥爭磨盾功攄忠謀曲突同舟未中濟歷
塊先外蹶攀髯獨仰天抱弓欲護月燕雀謹華堂旁苦慈
鳩聒頗聞負展賢當沐方握髮咄嗟惜此人彌縫保無闕
向來辨青史下筆鑄檮杌萬端叢古愁百體乏媚骨共慮

塵網纓未遂首邱沒桂海阻迢遞嵇山引嶢峩飽嘗世波
瀾解識事輓輓過江稀聞駝踰嶺斷見蝎往追韓蘇遊詎
羨金張謁贈言仍慰勉聊令憚鰥活竝期報恩後携耒待
耕塋長吏牧牛羊健兒慣鞭撻惟添火沃湯孰進漿救渴
寄聲索藥石何道完黥刑拂衣得行意生死待終粵

科爾沁親王督師山東失道戰歿憶畿輔用兵參佐
戎幕用誌感愴

屏翰威聲柿附親十年志欲靖煙塵猶虛前席臨宣室初
憶橫戈扼析津忠似稔侯宜嗣爵勇無飛將盡沾巾喜峰
關外嫩江水部曲何人善拊循

東人杼柚歲空勞插漢兒郎散騎曹日觀忽傾齊魯震雲
臺人竝傳岑高國門他日羊曇慟疆場平生馬革豪誰識
吮毫樞省客戎衣曾壓赫連刀

金陵報捷懷胡文忠公

楚歌三匝幾生逃元凱籌兵勝久操五等酬庸諸將健萬
方送喜 聖躬勞清淮帆影來袁浦建業鐘聲接漢皋
家祭兒孫須告捷飛傳露布廣陵濤

荅朱柯亭都下

二年去輦下走俗塵土抗干戈阻音問慨憐幸無恙時憶
蓬萊山胸次疊波浪石門夾天陰海市乘秋漲誰當蒐逸

才胥靡起巖嶂燕遊曠今歡齊語貌昔狀尙望卓毛錐選
鋒來鬪將公卿好士多曳履門安向荆雞伏鵠卵啄抱竊
非量沈墨寄斜行筆勢風竹颺展聽鬱商聲蟲語蒼遙唱
卑詞自斂抑厚意甚惘悵汲黯不居中公孫任爲相等觀
蝨處禪愧謝癭悅盎未能交子公徒慕侶禽向新學百無
功略能齊得喪

少紱將作令山左以書來美其詞意寄荅

羈宦西北久舊侶東南孤雨聲數落葉存者秋陰疏嚴寒
護本性霜柯不改株春皇將仁氣披拂草木蘇老樹亦着
花秀與桃李俱兩鬢漸染鏡百里新剖符苦心念牛羊遠

道求參芻囊探不龜藥自備已無餘頗知衛嘉穀稂莠在
棄除子養母萬家保抱固不殊勸強扶羸弱破訟作詩書
鈴束始一身關鍵及吏胥長材汲深綆井養惠嘘枯詎屑
隨桔槔俯仰勤機樞報章達齊市年少競吹竽君獨撫琴
罷問能把酒無

寄炯甫甯夏幕中兼懷春巖將軍

穆圖善

竝視舒西

園明府

之翰

劉侯筆勢萬夫敵往歲征南佐飛檄老思折筮咎羌胡困
持手版人無識黃河可浮熱血杯金城屢咽斷腸笛聞才
如馬非皋歎稿死權奇悲伏櫪漢家屬拜霍嫖姚虜騎報

馳祖保吉將軍知有揖客尊朝上薦書暮留壁雖然巖語
操姬隅伸紙論兵矢破的同曹舒生喜着鞭有似劉琨偕
祖逖賀蘭山荒獵狐兔歸挂雕鞍學生喫健兒哈腰將軍
笑鷹隼乘秋不難擊新詩險怪或逼人劍頭炊飯矛頭浙
書生政須便弓馬氣吐虹蜺響霹靂傾耳西風聽鼓鞞入
夢刊天舞干戚笑談油幕幾英姿踏遍邊關圖歷歷中興
往尋靈武局元戎待建汾陽績劉侯功成桑榆收爾時顧
我曲轅櫟

退賊行

胸無韜鈴口不談願措宇宙戎馬倏與官邊微天抗我十

日飛羽常再三近郊百里蹂躪及扶老攜幼塞城關旦聞
賊走官吏喜暮罷圍守市廛安南山之腹北山口地勢屈
曲修蛇蟠畜君爪牙要隘殺勿如羊很如狼貪高風管葛
亞伊呂耕者弗擾居者完徐揮五絃退萬騎妙在有意無
意閒 天子使我參卿事 詔旨惻怛哀痼瘵見欺
廝養亦可忍劣能吏道知艱難文書縱橫蠟淚滿求索民
隱衣長潛自慚未是龔渤海得不深念元魯山

劉霞仙中丞任川藩日繪南陽歸隱圖索余補題

燕雀貪稻粱眷戀惟檐幕鵬謝尉羅迴翔在寥廓何者
萬釘園能奪環堵樂所以出岫雲心未離澗壑睠懷抱膝

賢三顧昔一諾志決遂身殲襄水不遑酌空結君臣契高
騁霸王略至今隆中山風雨怨猿鶴遠追千載心起慰九
原作信裁成都桑不如茨茅縛公開錦城藩祠宇緬遺躅
繼秉秦川節陣壘見犂卓韋皋有前身萇宏敢僞託河山
代不同風采日如昨驅車漢隴來草木森劒鏑刷渭而飲
涇與俗辦清濁餘事討兵農屯政可脩鑿因時待弛張如
斗運其杓引弩不滿機發矢枉志鵠道屈無與伸神合非
關貌猶堪傲前哲 帝許返衡嶽道經舊草廬莫話管
與樂余希徐石流奉敎才識學歲晚各蓬蒿風雪漫作虐

中丞時將
得代歸楚

飲黃琴塢丈輔辰 嗟使齋中

鑪香悄悄靜庭闌
鳥語不喧花氣發
退衙吏散文書稀
寂如青山坐白髮
閒哦清籟噫秋風
愁倒空罇負明月
豈無造廬動貌敬
咫尺千里情胡越
人惜翁老就一官
閱馬泛駕知才難
人笑翁貧立四壁
穴鼠太倉羞盜食
八珍飯客謝不能
風味酷勝山家僧
獨開甕菹咀嚼我
黃蘗膾雪糜煮冰
古初真味在淡薄
俗士腸肥肉食惡
政閑冷署亦舉觴
竹石琤琮韻韶樂
煩憂久苦軍符困
新恩許除縛領縛時余候代
歲寒三徑從遊嬉
濁醪可賒胡不樂
夜角深沈漏水多
搗霜玉兔眇斜柯
渴索茗飲翁不呵
柰此參橫斗

落何

病疥戲作

鼯鼯蚤蝨忍初作鱗鱗蝮蛇刺更惡養之貽患自古然豈
潰成癰易爲藥官馬送還官廐去破車懸賞醫嫌薄一身
疾痛關一家倩婦浴頭女搔髀膝不得屈手不拳尤防三
耳生額角天河水能洗甲瘡晒夜得雨晨盡落索暹將軍
昔喜癢聞埽煙塵心弗樂郡曹嗜好更駭眾指似鰓魚恣
大嚼由來甘苦未親嘗狼籍瘢痕那驚愕七尺短松卧於
牕病夫陪汝蒼癬著

秋日述懷四十韻

昔預承明直元非侍從才除書司諫忝作尹大都陪治世
言無諱天顏笑屢迴賡颺逢稷契藻飾盛鄒枚汲黯

存匡輔孫宏謬輓推建藩分二陝拜

命出三台鞞鼓

聲何競煙塵鬱未開似依劉表去不擬賈生回北斗臨秦
近西江泝蜀來劍鋒平磊砢鎧仗積崔嵬感歎連荆棘辛
勤闢草萊夢熊清渭側射虎灞陵隈雞犬荒墟集桑麻戰
壘栽化離艱藉手酬酢拙承顏強項危楊震同心倚楚材
枕戈訛警旦洗甲渺霑埃凡此疏謀畫知宜伏禍胎一官
時慘澹兩載觸炎煥鶉首仍流火旄頭未斂災竟忘啞人
尾苦噪報恩顙大暑剛祛酷童山忽見咳誰能卹瘡痍痛

欲虐兒飴古語師惟律今聞黨有魁鴻飛磬在澤鳩毒聚

爲媒橫甚南壕吏居然上將臺搖屑蠅點壁引類蟻成坏

惡草雖紛糾喬松固髮鬢紫閣嗟遠矣白日望悠哉七月

吹幽杳雙星渡漢催

芝生協揆椒生尚書奉旨來陝查辦事件

銀潢晴跋浪

河鼓夜鳴雷天上微雲翳秋來暮氣哀關河猶伏莽霜霰

到枯荻物候隨遷變吾生任覆培誤蒙收杞梓下走屬驚

駘久謝金張侶難防絳灌猜孤忠修蹇謬宵旰衷衷沙

苑凋神駿阿房慙劫灰願期循節制庶與大招徠外闔威

權重中興法網恢遺民勉徭役勿惜爾魑魍

伊犁參贊聯捷西安將軍

德興阿駐兵久民閒供億騷然

移居

當官譬暑征告憊思休居縱未獲抵家道憇熱已祛棲棲
逆旅身傳舍二載餘 恩許解簪紱迹猶滯舟車友憐

我有母犯雪怯就塗慷慨給一區勸俟冰泮初

官轍卿觀
察以所僦

二府街
宅寓余

前榮向北啟幽敞置詩書客來去冠珮彈琴歌黃

虞中堂背枕南開牕陽氣舒白髮弄女孫秦聲相歡娛病
婦治旁解菜庖擷菰蔬仰體昔封鮓起視今懸魚東偏屋
雖少硯硯苗簌簌蠟梅獻素心蝶夢尋遽遽後舍地半弓
晚汲親灌鋤香土裏著草卒歲賴有儲出門見雀巢戒僕
勿驅除彼物與我親識我於世疏況託主人屋愛豈不如

烏所嗟斤斧赦未遠官道樗

市井氣昏沈廬心寂歷曲肱曝晴檐蜘蛛絲留網迹身如

失巢鳥得借一枝息頗欣賢東隣

霞仙中丞

梁甫吟抱膝隔牆

與和歌傳杯罄暗壁蓬蒿同懶除沒脛任過尺酷愛類澗

阿了不通劍鳥忽聞鐵蹠響烏筆搥扉急訪舊勞高軒癡

女窺門隙來者何人斯詰知代父職怪父昔居官僕從迺

蕭瑟笑言非汝知遣閭報卧疾昔賢屏冠蓋今胡耀我宅

旭光射牕紙磚影快移日復恐憂患構未敢鼎鐘食午炊

熟黃梁麤糲取安適道書三五篇讀罷隨意釋何處不爲

家歲暮忘是客

喜霞仙偕黃子壽彭年同年夜過

平生短朱墨文史天與暇落葉閉深廬寒蟲哦獨夜良朋
晚來集雪燈照風帕圍爐講唐虞娓娓辦王霸鑄語堅長
城掉舌攻未下一官如裘葛過時束施架豈無泝泝洗可
博封侯價閱人多積薪後來輒上跨劉侯松柏材已乞繩
尺赦黃子芝蘭質未求甕盎貰我初無纓紱身願執犁耙
警露鶴戀陰遰雲鴻怯舍會合暫擁終崢嶸各摩華俗事
戒勿談旁有奴僕詫